

Evangelii tenor Mattiu 11,2-11

Udend Gion en perschun dallas ovras da Cristus, ha el tarmess ses giuvnals a dumandar el: Eis ti quel che ha da vegnir ni vein nus da spitgar in auter? Jesus ha rispundiu ad els e detg: Mei e rapportei a Gion quei che vus udis e veseis: Tschocs vesan, schirai van entuorn, leprus vegnan purificai, suords audan, morts vegnan leventai, paupers retscheivan la buna nova; e beaus quel che pren buca scandal da mei.

Quels ein s'allontanai, e Jesus ha entschiet a plidar cul pievel sur da Gion: Tgei essas i ora el desiart a mirar? In strom-paliu che vegn ballontschaus dil vent? Ni tgei essas i a mirar? In carstgaun en vestgadira loma? Mirei, quels che portan vestgadira loma anfl'ins ellas casas dils retgs.

Sche pertgei essas i ora? Per mirar in profet? Gie, jeu ditgel a vus: Dapli ch'in profet. Igl ei quel, dil qual ei stat scret: Uarda, jeu tarmettel miu mess ordavon a ti, e quel prepara la via per tei. En ver Paid, jeu ditgel a vus: Denter ils naschi d'ina femna ei maina cumpariu in pli grond che Gion Battesta. E tuttina, il pli pign el reginavel da tschiel ei pli gronds che el.